



UNIVERSITÄTS-
BIBLIOTHEK
PADERBORN

Davidis Regii Prophetae Psalterivm

Moritz <Hessen, Landgraf>

Smalcaldiae, 1593

VD16 B 3258

Psalmvs XCVII. Dominus regnauit, exultet terra &c.

[urn:nbn:de:hbz:466:1-68864](#)

At Deus in cælis cuncta creata dedit.
Omnia, eo coram, speciosa ac splendida prostant:
Omnia & in sancto sunt operosa suo.
Huc agite, ô gentes, adq; atria sancta venite,
Ferte Deo laudes, quem decet omnis honor.
Ferte preces Domino, sacraria sancta colenti,
Ad cuius nutum cuncta creata tremunt.
Dicite per gentes, Dominū super omnia regē, hunc
Per fines terræ regna parasse sibi.
Dirigite & populos recta ratione fideq;
Et sceptra illius nulla abolenda die.
Latentur cæli, terra, spacioſaq; Ponti
Æquora dent fremitus, horrificumq; sonum.
Frugifera exultet tellus, sua munera iactans:
Syluiferi montes numina celsa colant.
Hoc Domino coram, coram hoc tam rege potente,
Qui venit, humanum vt iudicet omne genus.
Qui venit, vt iuste terrarum iudicet orbem,
Et populos æqualege fideq; reget.

PSALMVS XCVII.

Dominus regnauit, exultet terra &c.

B b

En

EN regnat tandem promissi seminis heros,
Hinc mundi exultent omnia regna simul.
Nubila circumdant ipsum, caligoq; densa,
Justicia est fulcrum iusq; fidesq; throni.
Insuper est cinctus crepitantibus undiq; flammis,
Urit & his vastat castra inimicasibi.
Igniuomum fulgur terrarum illuminat orbem,
Quo viso tellus territa concutitur.
Ante oculos Domini montes vt cera liquefunt,
Rectorem terrae cuncta creat a timent.
Iusticiam enarrant cœli, et decora alta tonantis,
Eius honor cunctis conspicitur populis.
Erubeant, retroq; abeant simulacra colentes,
Di reliqui agnoscant hunc Dominuq; colant.
Te, Deus, exultant Tharida, te sceptratenente,
Alta Sion gaudet, Iudaq; latus ouat.
Tu siquidem Dominus terrarum altissimus heros,
Numinibus cunctis anteferendus eris.
Qui colitis Dominum, non ficto corde, potentem,
Et fugite atq; odio semper habete malum.
Namq; suorum animas custodit ubiq; piorum,
Hostiliq; manu liberat innocuos.
Vi uida lux iustis semper late omine surgat,

Gaudia

Gaudia vera pios nec moritura beent.
In Domino iusti latentur, & ocia ducant,
Gratificaq; eius nomina laude colant.

PSALMVS XCVIII.

Cantate Domino canticum nouum,
quia &c.

Psallite magnifico, noua carmina dicite Regi,
Qui, quacunq; facit, non nisi mira facit.
Vindice qui dextra deuicto extollitur hoste,
Robore diuino brachia sancta mouens.
Latificam populis notam facit esse salutem,
Scire suam gentes iusticiamq; facit.
Fæderis ille memor pacti cum patre Iacobo,
Omnia regna fidem vult memorare suam.
Indigenæ mundi, Domino exultate potenti:
Laudibus & cantu concelebrate Deum.
Psallite grata Deo, citharaq; chelyq; tubaq;
Dulcisonis Regi iubila ferte modis.
Perstrepat Oceanus regi huic, et quicquid in illo
Terraq; non fileat, semine lata suo. (est,
Exultent montes, & ouantia flumina plaudant,
Iam veniente Deo ad iudicis officium.

Bb 2

Ipse